



Universitätsbibliothek Paderborn

**Exacta Facti Species Cum solida Remonstratione non
existentis Prætensæ Electionis Serenissimi Principis
Josephi Clementis Bavariæ Ducis junctâ resolutione
diversarum quæstionum pro firmando ...**

[Ort nicht ermittelt], Anno M.DC.LXXXIX.

Probatur non extare Electionem pro Serenissimo Principe Josepho
Clemente Bavariæ Duce.

urn:nbn:de:hbz:466:1-38262

N.3. omnia ita peracta esse instrumentum desuper expeditum
Latius probat summario. N.3.

Ex quā porrò facti serie , licet evidenter pateat , de Serenissimo Principe Josepho Clemente nullam fuisse celebratam Electionem Communem , per unum ex parte illorum , qui vota sua in ipsum direxerant ; Nihilominus cū per errorem ex facti ignorantia procedentem , memoratus Serenissimus Princeps Josephus Clemens novem votis electus esse passim afferatur , & prætensam ejus electionem solemnī postulationi Eminentissimi Domini Cardinalis Landgravii de Fürstenberg præferendam esse multi , nec jurium satis gnari , nec de facto debitè informati , perperām existiment ; idcirco ad hujusmodi juris & facti errorem detegendum , sequentes quæstiones cum suis resolutionibus exhibentur .

Quarum prima est.

Videlicet.

I.

Quæstio. **A**n pro Serenissimo Principe Josepho Clemente , Bavariae Duce existet electio , eaque Canonica , quæ per acto resultantes Sanctissimum veniat confirmanda ?

II.

An potius constet de Eminentissimi Domini Cardinalis Landgravii de Fürstenberg postulatione solenni . Eaq; Canonicā , à majori & seniori parte Capituli facta , per sanctissimum Dominum nostrum admittenda ?

Probatur non extare Electionem pro Serenissimo Principe Josepho Clemente Bavariae Duce .

Pro solidiori resolutione primæ quæstionis præmittitur . Primò , in præsenti casu tractari de Electione vel

solem-

7.

solemni postulatione Archi-Episcopi , adeoque in ea ser-
vari debuisse unam ex formis in Concilio generali Latera-
nensi , & Cap. Quia propter 42. de Elect. præscriptis ; Et
cum in dicto Cap. quia propter Ec. dentur tres formu-
læ Electionis , per Scrutinium scilicet , Compromissum , &
quasi inspirationem (quæ ultima verè non est formula) & in
casu nostro fuerit à majore parte Capituli electa forma
Scrutinii inter alias primaria , & dicitur esse necessitatis,
ita ut uno solo instantे , cœteri Capitulares ad eam am-
plectendam & observandam astringantur . Mandagot. de
Elect. cap. 21. ibi . Quoniam tres eligendi forme , videlicet scru-
tinii , Compromissi , divine Inspirationis traduntur in Conci-
lio generali Ec. sciendum est , quod prima forma necessitas
dicitur , quoniam ad procedendum per eam etiam uno solo in-
stante , cœteri necessario astringuntur , ubi additio in verbis.
Uno solo expresse subjungit , quod ita tenet curia Ro-
mana &c. Unde cùm major pars Capituli , per formam
Scrutinii in Electionis vel postulationis negotio proceden-
dum esse concluserit , illa punctualiter servari debuit ,
etiam à majori parte Capituli , ut potè quæ eandem am-
plecti debuit & amplexa fuit ; atque unanimi Consensu
cum majori parte , tres Dominos scrutatores assumpsiit ,
seque cum reliquis scrutinio subjecit . Maximè cum for-
ma Scrutinii in Electionibus Archi-Episcoporum Colonien-
sium hactenus observari solita sit , & signanter in Electione
Defuncti Serenissimi Archi-Episcopi & Electoris Ma-
ximiliani Henrici , felicissimæ recordationis , observata fue-
rit , uti per processum desuper expeditus Illustrissimo Do-
mino Nuntio Apostolico probatum fuit , cuius clausula
concernens datur Sub N. 4.

Præmittitur secundò , plura esse substantialia in for-
ma Scrutinii observanda , quibus omissis Electio remanet
irrita , ipso jure , ut est textus litteralis in d. & o. cap. Quia
propter Ec. Versu Aliter Electio facta non valeat Quæ ver-
ba

N.4.

ba important decretum irritans, ideoque ipsam Ele^{ctio}nem, ob formam ritè non observatam inficiunt, ut Ele^{ctionis} nomen non mereatur, utisæpius decidit vota magistralibus decisionibus coram Coccin. relatis, per Nicolaz ad concordata Germaniæ tit. I. dub. I. §. 4. & in puncto docet Mandagot. de Ele^ct. Cap. 22. Ibique additio in Verbo *Irrita &c.* cum aliis cumulatis, per Barbos. in cap. *Quia propter &c.* ad verba: *Aliter Ele^ctio facta non valeat,* N. 30. ubi ex unanimi opinione firmat, quod verba ista habeant vim decreti irritantis. Quando enim clausula, *Aliter facta non valeat.* Respicit ipsum actum celebrandum, tunc si actus deficit in eo, quod lex decernit adesse ipsi actui, importat nullitatem actus *Ipsò Jure:* & ex hac ratione Passer. de Ele^ct. Cap. 9. q. 7. sine dubio tenendum esse docet, quod Ele^ctio non servatâ formâ Capituli, *Quia propter &c.* sit irrita ipso Jure, per Authoritates magnô numerô ibidem adductas.

Præmittitur tertio inter reliqua substantialia requisita formæ Scrutinii contineri sequentia videlicet. 1. Quod assumantur tres Scrutatores de gremio fide digni. 2. Quod à Scrutatoribus vota cunctorum secretè & sigillatim exquirantur. 3. Quod vota exquisita in scriptis redigantur. 4. Quod vota in scriptis redacta mox in communi publicentur. 5. Quod collatio fiat votorum. 6. Quod collatione factâ statim fuit communis Ele^ctio, & quidem. 7. Per unum ex Capitularibus, suo & majoris partis Capituli, vel illorum nomine, qui cum ipso consenserunt.

Cum autem de quinque primis requisitis hic enumeratis non intret, quæstio, ex eo quod scrutatores tres de gremio fide digni unanimiter fuerint assumpti, & ab illis subsecuta fuerit votorum exquisitio, publicatio facta in Communi, & habita collatio &c. Solum restat inquirendum, an de Serenissimo Principe Josepho Clemente ex Duci^bibus Bavariæ, per unum ex iis, qui in personam ejus eligent.

9.

gendarum in scrutinio consenserant, postquam ipsis declaratum fuit, novem vota in ipsius personam esse directa, debuerit fieri, & facta sit communis Electio? Textus est clarus in Cap. cum post petitam 46. de *Electione*: ubi traditur quod post factam publicationem consensuum, & collationem votorum, incontinenti debeat fieri Communis electio, adeo, ut si per aliquod temporis intervallum Communis Electio differatur, & eo usque protrahatur, donec capitulum Electionis fuerit dissolutum. etiam si postmodum ex intervallo finiri contingat, etiam concorditer ab omnibus, tamen sit ipso iure nulla, & propter inordinatum processum pro tali declaranda, ut firmat, dictus textus ad litteram. Ibidemque *Gloss.* in figuraione Casus, & in verbo, protractam, *Mandagot. de Elect. Cap. 22.* & ibi additio *Lit. K.*

Et quod sit unum ex substantialibus requisitis, ut post collationem Electio fiat in continent, nullo scilicet actu extraneo intermedio, alias vero non valeat, tradit Fagnan. in cap. publicato de Elect. N. 60. & 61. ubi dicit ad hoc esse textum in Cap. Cum post petitam de Elect. cum addito, quod ita tradant omnes in Capite quia propter. Praesertim Abbas N. 16. dicitque hoc maximè procedere, quando Electio protrahitur, per simplicitatem vel negligentiam Electorum, & quod substantiale sit, ut post factam collationem statim fiat communis Electio, probat idem Fagnan. in Cap. Quia propter. N. 59. per clara verba textus ibi. Is collatione habita eligatur.

Pluribus hanc sententiam confirmat Passerin. de Elect.
Cap. 19. q. 5. N. 20. Ubiprobat, quod verba in Cap. Quia
propter &c. ut collatione habitâ Is eligatur &c. importent
substantialem actum Canonicæ Electionis.

Etsi enim videri possit imperitis, quod tunc Electio fiat, quando dantur vota in scrutinio, tamen hallucinantur gravissime, & supinam produnt ignorantiam, eò quod ipse Electionis agus denum sequatur, postquam vota in scrutinio

fuerunt data, & in communi publicata, eorundemque collatio facta.

Actus enim præambulus, per quem Electores in scrutinio votum conferunt, est quoddam viale duntaxat, imperfectum & præparatorium ad ipsam Electionem celebrandam, ex quo præambulo nullum jus acquiritur illi, qui nominatus est in scrutinio, sed solummodo explicatur desiderium & consensus, ut eligatur ille, qui nominatur in scrutinio, Electio autem tunc demum celebratur, quando post exquisita, in scriptis redacta, in communi publicata & collationata vota, unus suo & totius, vel majoris partis Capituli, vel illorum, qui secum consenserunt, nomine, eligit, dicendo. Ego N. Talem N. vice meā & majoris partis Capituli, vel illorum, qui tecum consenserunt, in Archi-Episcopum eligo, in nomine Patris, & Filii, & Spiritus Sancti, Amen.

Ordo siquidem præmissorum actuum est de substantia Electionis Canonice, ita ut quilibet eorum successivè fieri debeat, videlicet, ut primò assumantur scrutatores, postea fiat scrutinium, deinde sequatur publicatio scrutinii, mox votorum Collatio, ac demum subsequatur Communis Elec^{tio}; ut post Mandagot de Elect. Cap. 22. punctualiter notat, Passerini de Election. Cap. 19. q. 7. per totum & cum aliis Fagnani, in Cap. Quia propter. N. 59. Ubi tradit esse substantiale, ut post habitam Collationem sequatur communis Elec^{tio}, juxta litteram in verbis, *Is collatione habitâ eligatur.* Pro qua sententiâ extat textus clarus in Cap. in Genesi. 55. de Elect. Ubi pontifex Gregorius nonus inquit, cùm in concilio caveatur, ut is collatione habitâ eligatur, in quem omnes, vel major pars capituli consensit, si electio communiter celebrata non sit, & communis electio non subsequatur, cum ex singularibus & particularibus consensibus in scrutinio datis, non detur Elec^{tio} universalis, vel communis, non posse dici celebratam Electionem; Ideoque Electionem aliter faciam,

ut potè contrà formam Concilii attentatam, irritam & inanem esse. Ubi Glossa in verbo irritam adducit textum cum eodem concordantem in cap. Ecclesia vestra. 48. de Elect. in quo ad præcisos terminos præsentis nostri casus expressè deci- sum habetur, quod Pontifex considerans, quod post publi- cationem scrutinii, & habitam Collationem, non fuerit subse- cuta communis electio, nulla posset dici adesse Electio, & notat ibidem Glossa in figuraione casus, & in verbo Proces- sus: Quod licet major pars Capituli in unum consensisset in scrutinio, tamen si publicatione & collatione factâ non fiat communis Electio, omnia reddantur irrita, quia scilicet ipsa Electio deficit, adeo ut nullus aliis actus, quantumvis æquipollens, Electionis vicem supplere possit: Est enim substantiale requisitum, ut votis exquisitis, in communi publicatis & collationatis, in continentibus subsequatur communis Electio, sine qua nullus potest dici esse Electus.

Unde Passer. de Elect. Cap. 19. q. 5. N. 29. per text. modo adductos, & innumerar. alias authoritates, solidè pro- bat, tantam esse talis communis Electionis necessitatem ut absque illa, nominatus in Scrutinio à Papâ confirma- ri non possit, signanter, si omissio communis Electionis proveniat ex ignorantia, simplicitate, negligentia vel igna- viâ eligere habentium; ut inquit Passer de Elect. d. Cap. 19. q. 5. n. 31. ubi num. 33. subjungit quod omissio communis Electionis non solum ipsam electionem irritam reddat, ut non possit dici celebrata Electio, sed etiam irrita reddat omnia antecedentia cum ipso scrutinio, ex parte scilicet eo- rum qui Electionem Communem facere neglexerunt, adeo ut etiamsi deficiente communi electione Electores non pri- varentur jure eligendi pro ea vice, pro ut privari debent, ta- men novum scrutinium instituere teneantur, in quo pote- runt variare, & alium nominare.

Ex quibus manifestè patet, quod in præsenti casu pro Serenissimo Principe Josepho Clemente nulla extet electio,

ac proinde frustra quæratur, an Papa Electionem de eo factam confirmare possit, cum non possit confirmari id, quod in rerum natura nunquam extitit, nec in præsentiarum exstat. Non entis enim nullæ sunt qualitates, nulla prædicabilia, & confirmatio semper præsupponit præexistētem actum confirmabilem, qualis actus electionis notoriè hic deficit.

Cujus porrò iudicatæ Electionis non existentiam ipsi etiam Domini Capitulares, qui in personam Serenissimi Principis Clementis Josephi vota sua in Scrutinio direxerunt, idè palam agnoscere & fateri coguntur, ex eo, quod toti Capitulo non minus, quam adhibitis Notariis & Testibus constet, neminem eorum similem electionem fecisse, cum tamen Sacri Canones Electionis existentiam non agnoscant, nisi Electio per unum vice suā, & vice vel omnium, vel illorum, qui cum ipso consenserunt, in Capitulo celebrata fuerit.

De substantia enim Electionis, ut Elec^{tio} dici possit, præcipuum est, ut votis exquisitis publicatis & collationatis Per unum, clarâ voce, publicè & solemniter in Capitulo fiat Communis Elec^{tio}. Per verbum singularis numeri dicendo, Ego A. vice mea & vice ac nomine eorum, qui mecum consenserunt tandem eligo in Archi-Episcopum, ita quidem, ut nullus alias actus electionem importare possit, sicuti probat Barbos. de jure Eccl. univers. cap. 19. n. 225. ubi n. 228. inquit. quod substantialiter requiritur, ut factâ collatione communis electio fiat & quidem expressâ & clarâ voce, nec sufficit, aliquis actus diligentium, qui Electionem importet, sed requiruntur verba ore prolata, idem repetit dictus Barb. in Cap. sicut de Elec^{tio}. in 6. & quod de substantia sit, ut per unum fiat, & pronuntietur communis electio, expressè declarat Pontifex Nicolaus tertius in ditto Capitulo, sicut, his formalibus verbis, sicut cum performam Scrutiniū ad Electionem proceditur est per unum pronuntianda & facienda communis Elec^{tio}, secundum

dum canonica instituta, sic & per unum debet fieri, cum per formam proceditur compromissi, alioquin à pluribus facta simul Elec-
tio eō ipso viribus non subsistat. Idem expressè præcipit Pa-
pa Bonifacius ejus nominis octavus in Cap. Cum ab uno &c.
de sentent. & re judicat. in 6o. ubi dicit: quod cum ab uno
Arbitrorum vel judicum, aliis præsentibus & mandantibus
scripta sententia recitatur, perinde habeatur, ac si simul es-
set ab omnibus recitata, & is qui recitat, non debeat ut
verbis singularis numeri, sed pluralis, ut dicat. Nos tales
Judices vel Arbitri pronuntiamus in hunc modum. Secus-
tamen obtineat in Electione, in qua, ut censeatur evidentius
unica & communis, est ab uno, vice omnium, siue per Compromis-
sum, siue per scrutinium procedatur, Electionis pronuntiatio per
verba singularis numeri, facienda, sunt diserta verba textus,
quem ibidem glossa in figuraione casus latius exponit, &
alij allegati per Barbos. in Collect. ad dictum Cap. Cum ab uno,
& per eundem plenius traditur in Capit. sicut 21. de Electio-
ne in 6. &c. denique quod Electio fieri debeat in Capitulo,
vivâ voce, ab uno, loquente in persona singulari & propria
dicente. Ego N. Eligo &c. latè etiam firmat, Passerin. de E-
lect. Cap. 19. q. 5. n. 24. 25. & seq. Fagnan in Cap. quia propter
n. 63. cum pluribus ibidem allegatis, ita quidem ut per
alium actum æquipollentem electio fieri nequeat, cum ver-
ba ad Electionem sint de substantia, ubi autem verba sunt
de substantia, faciū aliud non sufficir, neque æquipollere,
uti pariter tradit Passer. Cap. 19. q. 5. n. 24.

Quæ omnia de communi Electione per unum facienda
non tantum procedunt in eo casu, quo unus tantum in scruti-
nio est nominatus, sed etiam in casu, quo duo vel plures
in scrutinio nominati fuerint, tunc enim ad hoc, ut electio
possit dici celebrata de eo, qui ab una alterâ parte no-
minatus fuit in scrutinio, substantialiter requiritur, ut unus
vice sua, & eorum qui cum ipso consenserunt, Electionem commu-
nem faciat, per verba singularis numeri dicendo, Ego N. vice

B. 3.

mea

mea, & vice illorum, qui mecum consenserunt, eligo tales,
uti punctualiter docet Mandagot. de Election. in Cap. 22. &
in Cap. 34. ubi sequentia tradit.

Qua Collatione factâ statim facienda est per unum elec-
 tio in Communi Cap. in Genesi, de Elect. ubi de hoc nota-
 tur, plenè Ludon Roman. in Conf. 209. Abb. in Cap. Quia
 propter Eccl. Col. 6. vers. 5. tertium decimum. Textus &
 Gloss. & omnes Doctores in Cap. sicut. de Elect. in 6. & in
 Cap. cum ab uno. de re jud. in 6. & hoc intelligas verum es-
 se, ubi est unus tantum modo in Scrutinio nominatus, vel
 etiam ubi plures sunt nominati, placet tamen omnibus, ut
 is solummodo eligatur, in quem major pars consensit; Cæ-
 terum ubi pluribus nominatis pars quælibet suo vult insi-
 stere nominato, tunc unus de parte qualibet, nominatum
 suæ partis debebit eligere, mandato sibi facto ab his qui
 consenserunt in eundem, & si forte concordare nequeant,
 cui potestatem tribuant eligendi, ille tunc eliget, qui à plu-
 ribus suæ partis ad hoc fuerit deputatus, cum enim per
 unum Electionem fieri necesse est, ut est textus in Cap. in
 Genesi. de elect. & cum fieri non possit per plures, necesse
 est, quod stetur majori parti eorum, qui in unum consen-
 serunt.

Ubi enim consenserunt in diversos, & quælibet pars
 vult suum eligere, tunc non dicet eligens, eligo vice omni-
 um, sed vice illorum, qui consenserunt in eundem, & hoc
 debet fieri per verba singularis numeri, haec tenus Man-
 dagot.

Concluditur, non extare ullam Electio-
 nem pro Serenissimo Principe Josepho Clemente
 Bavariæ Duce à minori parte Capi-
 tuli factam.

Ex quibus in facto & jure ita solide firmatis, irrefragilis
 iterum resultat conclusio, quod in præsenti casu pro se-
 renissi-